



10. maj 2010

Inatsisartut suleriaasianni § 36 imm. 1 naapertorlugu Naalackersuisunut apeqqutit imaattut matumuuna saqqummiuppara:

Naalackersuisunut apeqqut:

1. Sanaqateqarluni illuliorsinnaanermut qinnuteqartut nunatsinni ullumikkut qanoq amerlatigisut maannamut itigartitaasimaappat imaluunniit akuerineqarnissamut utaqqisinneqarpat?

2. Qaqugumut sanaqateqarluni illuliorsinnaanermut qinnuteqartut allat akuerineqarnissaat naatsorsuutigineqarsinnaava?

(Inatsisartuni ilaasortaq Ruth Heilmann, Siumut)

Tungavilersuut:

Ajuusaarnartumik sanaqateqarluni illuliorsinnaanermut ukioq 2010-mut qinnuteqaatit tamakkiisumik Namminersorlutik Oqartussaniit itigartissutigineqarnikuupput, Ukioq 2010-mut aningaasaqarnermut inatsimmi aningaasaliisoqarsimannginnera tassani Naalackersuisunit patsisigineqartarpoq.

Ippassaq tusagassiuutitigut Naalackersuisut nalunaaruteqarput Qaanaami Kullorsuarmilu 40 mio. kr-it immikkut aningaasaliisoqarsimasoq, inissaaleqisoqarnera tassani aatsaanngooq uppersineqarmat, uffa siornali ajornartorsiutaasut quulaajarneqareeraluartut taamatut utaqqisitsineq akueriuminaatsuuvoq.

Naalackersuisunut oqaatigisariaqarpoq sinerissami illoqarfinni nunaqarfinnilu inissaaleqisut aamma amerlasuut pisariaqartitsillutik utaqqisuummata Naalackersuisunit utaqqisinneqarnertik taakkua assut toqqissimanngissutigimassuk neriuutiginaqaaq piaartumik utaqqisitaasut akuersaartumik nalunaarfigineqarumaartut.